


Alokughuno mpe 1,000



*Akumzapu Kuchouqo
Kiphi Kichekutsu*

12



Hi pulukumlapu ampe 1,000 (millennium) ye Khristo no ide ighiveke thiuno huthunani. Satan ye opelo hipau ghili ithipenishimo nani, kughengu hipau do lono pa w ghushoghili eno paw ghilisuqe ye kiutoikeno mutsumishei pephevetsu nanike ghenguno. Satan no opishiqhimlaveno sake ghenguno hi ampe qhethonhe lakhi ghili kuchou hu pesu bidelau eno kuchou kumokeu tsape pesu otsu nani. Pa wu pishikiqhi hipau ye ighono kumsapu lakhi. Kughou nono hipau ghili chilu eno philunikeno tile okukumusu kumzapushi sukini eno sukuthunani. Ikemu kughou nono Baibel lo akumuzapu kuchou kiphigo lono alokughuno mpe 1,000 akeu ghili thebei ithiluvnikeno tithiuye oloinoqhiyi luvenani.

1

Ampe qhethonhe lakhi huthunikelo thime kiu shi ipeghinanikea?

“Panongu akuxupu lo xuchile ithughikemiqo ye Khristo gholo ampe 1,000 ayehpenani” (Piyekusu 20:4). (akithi ghili akiphi kichekutsu 10 loghi phijulo).

Khokichile: Xuchilekulu huno ampe 1,000 huthunani.



2

Xuchilekulu hipau pesu kiuepi chenikea?

“Hipau pesu xuchilekulu atighiu ipi kucheni, xuchilekulu atighiu lo ithughikemiqo ye akimithe eno kumughavetsu kemiqoke” (Piyekusu 20:5, 6).

Khokichile: Hipau pesu xuchilekulu atighiu ipi kucheni. Hipau lo xuchile ithughikemiqo ye “kumughavetsukemiqo, eno akimitheshi aghikemiqoke.” Tiqheli kumtsu lo xapheluvekemiqo no xuchilekulu hipau lo ithughinani.

3

Tile xuchilekulu ajeli kini shinani ipi Baibel no pi akeulo xuchilekulu akiniu ye kughouno shinani eno tile khiunoqo ithughinanikea?

“Kithimi achili (khiunoqo xalumovekemiyo) ye ampe 1,000 ashekha shimoke kutolo ithughimonani” (Piyekusu 20:5). “Tile akumoki lo akemiqono Pa sutsa chiluno ithughinani-akivi mlachekemiyo ye akuxupu lo ithughinani, ikemu alhokusa kumla shichekemiyo ye puhavenikeu lo ithughinani” (Johan 5:28, 29).



Khokichile: Xuchilekulu akiniu ye ampe 1,000 ashekha shivekemtsa xuputhunani. Xuchilekulu hipau lono xamlavenikemiyo xuputhunani. Panongu ye pesu puhavenike ghenguno xuputhu nani.

Hi ithilo: Xuchilekulu atighiu lo xalunikemiyo xuchile puthukeuno ampe 1,000 huthunani, Xamlavekemiyo no ampe 1,000 ashekha shivekemtsa xuchile puthunani.

4

Ampe 1,000 huthunikelo thime kiu shinanikea?

“Julo, Paye khungukusu lono cheni, eno anhethi kumtsuno Pa ikighiju ithulunani” (Piyekusu 1:7). “Ampeu no Pakutoshi ashekushu sutsa kije lono kungugha launo iqighinani ... eno Khristo lono thi akemiyo paghi xuchileputhu nani. Tishieno ningu akuxu achilishi aghikemiyo ghi panongu gholo kuqhano khungukusu lono iku amulhu lono Ampeu sasu kushonani” (1 Thesaloniami 4:16, 17). “Tile ayeghikughutha- tsutsuilukeu kije shinani, hitoi ayeghikughutha ighono akughushu eno ighono kije shikeu ye timi no ayeghi lo xu ighikelo kughoumu shi ipeghimphi ... eno kungugha launo apughu (hail) momu murasu timi shou qipukunani, eno apughu kumtsu athi lakhi no talen lakhi kimishi qhemi shinani” (Piyekusu 16:18, 21). (Jeremiya 4:23-26; Isaya 24:1, 3, 19, 20; Isaya 2:21 loghi julo). Phukuthomino apughu hipau kimishi talen lakhi ye pound 50-100 do lo shinani ipi.

Khokichile: Ampe 1,000 hukuthulo thime kutau hipaqa ghi shinani: ayeghi kughutha ighono akughushu shinani, eno apughu qikeu xu-lhe lo kughoumu shichemokeu ayeghi shou qipukunani. Tishieno Jisu no Pa wu timiyo pekutsuluvenike ghenguno khungukusu lono iqighinani, tile akimithemiyo kumtsu sasu iku amulhu lono Jisu sasu kushonani (akiphi kichekutsu 8 lo Jisu no akiniu ide ighinikeu loghi julo)



5

Jisu no ide ighikelo kuxumi-kithimi eno xalumovenikemiyo ye kishivenanikea?

“Pa kichi lo tuthu huno ayikusamiyo ghiqhi pithivenani” (Isaya 11:4). “Kughou Ampeu Jisu no Pa wu akughushu kungumiyo gholono kungugha launo pephe ipeghinikeno tile Pano ami mili lono Alhou mthakemiyo shou amukhu lunani” (2 Thesaloniami 1:7, 8). “Ayikusamiyo ye Alhou nhekitho lono kutsavepelo” (Leshele 68:2). Kithimi achiliyo (xuchilekulu atighiu lo ithughimove kemiyo) ye ampe 1,000 ashekha shimoke kutolo xuchile puthumo nani (Piyekusu 20:5).

Khokichile: Xamlavekemi akuxu achilishi aghikemiyo ye Khristo no akinu ide ighikeu nhethe (presence) kuvu huno yeqhipithi khavenani. Kughou Jisu sukumo qhopuakeu lo kungumi lakhi iqighikeno tile Rommi ghushimi akumoki khemiyo ye qhoi akithi toi khave (Mathi 28:2, 4). Kughou kungugha lo kungumiyo kuvu, Apuh Alhou kuvu eno Anu Alhou kuvu pephe ipeghinikeno tilehi xamlavekemi xu aghikemiyo ye tsutsuphapha kukulo lono amisu iqighieno timi chheqhive chekeu toi yeqhi pithikhavenani, eno panongu ye tishi ampe 1,000 ashekha shimoke kutolo akithi lo anani, momu thianani.

6

Kutomono xamlavekemiyo ye ampe 1,000 dolono panongu mulopebideluve kepu do kivi ithulunanikepi pulu cheni, Baibel ye hipau ghili lo kiu pipuanikea?

“Ayeghi cheku lakhi lono wo lakhi kutolo (ayeghiqha kuchopu) lo xamlavekemiyo ye Ampeu no ghiqhikhave nani. Tile khiunomu panongu kumsuqamo nani, panongu kithi sukumo pekutsumo nani momu shiqhotsumonani, panongu ye tishi ayeghi shou qhivenani” (Jeremiya 25:33). “Ino juke, tilehi timi lakhimu kuha” (Jeremiya 4:25).

Khokichile: Tilehi ayeghi hipau shou timi lakhimu kuhave ipiveake. Khiuno ampe 1,000 dolono amulopebide kepu do kivi ithuluni ipikeu ye tokumlapu tsake. Akimkithemiyo kumtsu sasu kiungugha lo ikuvea, ayikusamiyo kumtsu Pa ikighi kuvu no yeqhi pithikhave aye tishiaye ayeghi hipau shou kutami khiu aghinikya? Piyekusu 22:11, 12 lono pi akeuno Jisu no ide ighimphi zuuno timiyo kumla kughutha kumtsu akithipu keo akuxupu keno xathavenani ipiveake tile amulo pebideLukepu do kivi ithulunani keshya? tiye tokumlapu tsake.

Amikuchomiyo ye
ampe 1,000 Ayikusamiyo ye
ampe 1,000

Kungugha lo Jisu ghola
anani. Ayeghi shou thi anani.

7

Baibel no pi akeuno Satan ye ampe 1,000 ashekha kuhakeu qokuchhu lo khathape qhiveniepi anikehu aqokuchhu tipau ye kiutoikeu kea?

“Ino kungumi lakhi kungugha launo iqighikeu ithulu, pa wu lo ashekha kuhakeu qokuchhu tsapi (key) pe ani ... pano dracon, khiu vilo aqau lo apighi, devil, eno Satan ipi kuchekeu hu kughaluve, eno ampe 1,000 ghenguno tsughape qhive, eno pesu ashekha kuhakeu qokuchhu lo vesuve ... ampe 1,000 ashekha shimoke kutolo” (Piyekusu 20:1-3).

Khokichile: Ampe 1,000 ipi akeu tsa hipau ye Greek tsa lo “Abussos” momu Abyss ipi. Aqau lo Greek Version lo ayeghi lhosukeu ghili (**Bothubo 1:2**) lo pipuani, ikemu tipau lo pebidekeu loye ayeghi thonheikeu (deep) ipi puani. “Ayeghi ye kiumu kughuphemono abokumsa ache” ipi. “Eno akuzu no ayeghi giqha thonhei akeu kuzuphope ache” ipi. Ike ti thonhei akeu hu pesu Bottomless pit momu Abyss ipi keu pesu piyekusu lo ashekha kuhakeu qokuchhu ipi pebide puani. Ayeghi hipau lo Alhou no kiumu kughuphemphi zuu ye akuzuno ighono thonhei, zuchiye ache. Jeremiya no ampe 1,000 dolo ayeghi hipau ye abolho lo kiutoi achekeno tipau tho lo anani ipi kimighipiyetsu ani. Tiye **Bothubo 1:2 lo** achekeu tho, kiumo kughuphemono abo kumsa achekeu toinani ipi. “Tile akuvu kuha” “timi kuha” no “tsungtsui momu zuchiye” anani (**Jeremia 4:23, 25, 28**). Tighenguno ti kiumu kughuphemono abokumsa, zuchiye, zumai achekeu yeghi hipau pesu ampe 1,000 do lo ashekha kuhakeu qo qokuchhu ipi kimighitsu ani. Pulhosumphi zuu achekeu tho, itaghi **Isaya 24:22 lo** ghi pi akeuno. Satan eno pa ghinimiqo ampe 1,000 aqokuchhu lo vesuvenani” eno “khathape qhivenani” ipi ani.



8

Satan tsugha puakeu yikichhe kighi ye kiukea? Kiushiye pa tsughape qhiveka?


“Kungumi lakhi no ... pa w lo ayikichhe kighi kije pea ... eno Satan kughaluve eno ampe 1,000 ghenguno pa tsughape qhive ... eno pa shou amichipi (seal) chishipukeu qhive, tiye pa pelo ampe 1,000 ashekha shimoke kutolo shiyehqo alau pishiqhi pemonike ghenguno” (Piyekusu 20:1-3).



Khokichile: Ayikichhekighi hipauye kimighipiyesu momu kichekipiye lakhike. Akukakughushu lhoux lakhi ye ayikichhekighi lakhi pesu tsugha momu thsupe qhimla. Ikemu hipau kiqi ye Satan pelo pishiqhilukepu do kihithavetsukeu kiqitsu ani. Pano pishiqhilukeu timi ayeghi hipau shou khiumu kuhavekeu kiqitsu ani. Thosulo pano pishiqhi chekeu kumla hu shimlave. Xamlavekemiyo kumtsu thikhavea, eno xaluvekemiyo kumtsu sasu kungugha lo ikukhavea. Ampeu no Satan pesu ayeghi hipau lo khathape qhive. Pa pelo kunguyeghiqha kutauqolo wuno pishiqiqhi kumla shimla penkeu lakhave. Devil pelo ayeghi hipau vechewo aqha kutau lo wumlakepushi khathape qhive. Pa eno pa ghinimiqo likhi thono panonguno pishiqhilukepu timi ayeghi hipau lo kuhave. Hitoikeu lakukha suvetsukeu pesu akichhekighi lakhi pesu tsughape qhivekeu kimighitsu.

Ampe 1,000 huthuvenikeu kumlaqo:

- A. Ayeghi kughutha eno apughu (hailstone) no ayeghi lomi pughalevenikeu (Piyekusu 16:18-21)
- B. Jisu no Pa w kimitheqiqo pekutsulunike ghenguno akiniu ide ighinikeu (Mathi 24:30, 31).
- C. Thivekemi xalunike ghenguno xuchile puthuluvenikeu (1 Thesaloniami 4:16).
- D. Akimithemi xuchileluvekemiqo lau thivechemokeu pesu tsuvenani (1 Korinthiami 15:51-55).
- E. Xaluvekemiqo ye Jisu phimpi toikeye pepuluvenani (1 Johan 3:2; Filipiami 3:20, 21).
- F. Xaluvekemiqo ye khungkusu lono sasu ikuve nani (1 Thesaloniami 4:17).
- G. Ayikusamiqo ye Ampeu kichi lo tuthuno ghiqhivenani (Isaya 11:24).
- H. Xalumovekemiqo ye ampe 1,000 ashekha shimoke kutolo pano kumoki lo anani (Piyekusu 20:5).
- I. Jisu no amikuchomiqo sasu kungugha lo ikuvenani (Johan 13:33, 36; 14:2, 3).
- J. Satan tsughape qhive (Piyekusu 20:1-3).



Ayeghi ye sughe-khave nani eno akuzu bekutha lo ngovenani, tipau pesu ashekhakuhakeu qokuchhu ipi, tilehi ampe 1.000 ghenguno Satan khathape qhiveni.

9

Piyekusu 20:4 lo pi akeuno tile ampe 1,000 dolo atsakukugha anani ipi anike tiye kiu eno khiunoqono ilo tile chhosunanikea?

“Ino akukalakuho ithulu, eno panonguno tipaqo shou iqa eno kughathabenikeu kumla pesu panongu shou pichebeve” (Piyekusu 20:4). “Akimithemiqo no ayeghi shou xathanani ipikeu nonguye mthakeshea? ... ninguno kungumiqo shou ghi xathanani” (1 Korinthiami 6:2, 3).

Khokichile: Tiqheli kumtsu lo xaluvekemi eno kungumi akivimiqo no kughathakeu kiumla lo ilo chhosunani. Pishiqliluvekemi kungumi alhokusa kumla kishimiqo kumtsu kumla kughutha phujuno kughathabeve nani Kughathabekeu kumla hipau lo xaluvekemiqono xamlavekemiqo kumla phukideju nani. Ashekha lo panonguno Jisu gholo xunishimo kemiqo kungugha lono khathapheve keu ithulunani.



Ampe 1,000 dolo mlanikeu:

- A. Tile ayeghi hipauye apughu (hailstone) no eno ayeghikughutha no sughelevekeu bekutha lo anani (Piyekusu 16:18-21).**
- B. Ayeghi ye tsungtsui momu zuchiyi eno kungukughaleive nani, eno tipau pesu ashekha kuhakeu qokuchhu ipi (Jeremiya 4:23, 28)**
- C. Satan tsughape ayeghi hipau lo qhivenani (Piyekusu 20:1-3).**
- D. Amikuchomiqo ye kungugha lo kughathabekeu kumla shinani (Piyekusu 20:4).**
- E. Ayikusamiqo kumtsu akithi lo anani (Jeremiya 4:25; Isaya 11:4).**

Ampe 1,000 dolo ayeghi lo xuchekemiqo kumtsu a-a kini lo kijepe aghinani atighiuno, ayeghi lo puhave eno thivekeu lo aghinani, akiniuno, kungugha lo kughakutha kumla lo aghinani. Hipau dolo opelo kungugha lo ngo aghipenishike ghenguno Ampeu no tamono oku acheni. Pano ku su akeu milivekevo.

10

Ampe 1,000 kishekhave kelo akimithe phughi Jerusalem akitheu ye kungugha launo ayeghi hipau lo iqighinani ipi, eno hipaulo khiunoqo iqighinani kea? eno iqo khilehi ngonanikea?


"Ino ... akimithe phughi, Jerusalem akitheu kungugha lo Alhou launo iqighikeu ithulu ... eno kungugha lono asutsa kuloghi lakhi lono pikeu Ino chilu. 'julo, Alhou chinehki ye timi gholo ani'" (Piyekusu 21:2, 3).
"Julo, Ampeu tsala hu cheni ... eno tipau tsala lo Ampeu pukhu ye Olive naghuto Jerusalem lono kipela kidiu akeu shou puthugho nani, tile Olive naghuto ye supho kini shivenani ... Ampeu I Lhou ye titoi ighinani, eno akimithemiqo kumtsu Pa gholo ighinani ... eno ayeghi tipau ye Geba lono wo Jerusalem apeu akeu Rimmon kutolo aqa shivenani (Zekharia 14:1, 4, 5, 10).

Khokichile: Jerusalem akitheu ye itehi akeu Olive naghuto lo iqo ngonani. Naghuto tipauye aqa kije lakhi shivenani, eno tipau shou akimithe phughi iqo ngonani Tigheli kumtsu lo amikuchomiqo kumtsu ilo tile ngono iqighinani (Zekharia 14:5) Kungugha lo kungumiqo (Mathi 25:31), Apuh Alhou (Piyekusu 21:2, 3) Anu Alhou, (Mathi 25:31) akimithe phughi lo ilo ngono ayeghi lo iqighinani. Hipau pesu Jisu no akuthuu ayeghi lo ighinikeu akhoto lakhi ipi ani. Pano akiniu ide ighinikeuye Pa wu kimithemiqo pekutsulunike ghenguno ighinani, Pano akuthuu ighinikelo Pa wu kimithemiqo gholono ighinani.

Jisu ye ghuthu kuthu ighinani:




**First Coming
(Atighiu Bethlehem lo
amishi khulo ighikeu)**



**Second coming
(Akinu khungkusu lono
ighieno ampe 1,000
hukuthu lo Pa wu timiqo
sasu kungugha lo ikuveni)**



**Third coming
(Akuthu Pa wu Akimithe
phughi lono ampe
1,000 kishekha lo
amikuchomiqo xapu
ighinani.**



11

Hipau do aghuloki lo ayikusamiqo ye kishinani eno Satan shou kiu shinanikea?

“Kithimi achiliqo ye ampe 1,000 ashekha shimoke kutolo xuithughimo nani ... kughou ampe 1,000 ashekha shivenikeno akughuki lono Satan khaqhipheve nani eno pano wuno shiyehqo pishiqhiluve nani (Piyekusu 20:5, 7, 8).

Khokichile: Ampe 1,000 ashekha shivekelo kughou Ampeu no akuthuu ide ighinikeno tileno ayikusami kithimiqo xuputhuve nani, Satan ghi pa kughuki lono khaqhipheve nani, tile ayeghiqha hipau lo timiqono chhitoive nani.

12

Tithiu Satan ye kiu shinaikea?

“Satan no ... wuno ayeghiqha lo shiyehqo kumtsu pishiqhiluve nani ... eno panongu pekutsu sasu aghushiqa lo iloghinani, panongu kikihi ye azughilo sayeqo toinani.

Panonguno ayeghiqha chekukumtsu lo wuno akimithemiqo ghazu kimiyechekeu phughi hu leluvenike ghenguno boluvenani (Piyekusu 20:7-9).

Khokichile: Tilehino Satan lhoayeh kuchou hu mutsumishei pephe ipeghive nani. Pano paikhavi lono ayeghi lo timiqo vilo akimikitsa pithuve nani. Timi tipaqo ye tiqheli kumtsu lo ayikusa kumla kishimiqoke. (Satan abolho ghili akiphi 2 lo ghi phijulo) Pano timiqo vilo amikucho kumo lono kungugha lono pa hapheveke ipinani. Alhou no akuka peanishikelauno pa haphevekepi timiqo vilo mikive puzu timiqo ghozu nani. Pano pikeuno, tsutsala panongu kuqhakulu shiluve aye Alhou ye kiumo shimplanike ipinani. Ninguno kumtsuno kuqhakulu shipuzu aphughi hipau le aye tokulu shiluvanike ipinani. Tile shiyehqo kumtsuno kuqhakulu shiluve puzu aphughi hu lenike ghenguno ilo boluvenani.





13

Satan no aphughi leluvenike kutoluve kelo kiuno panongu akupuna tsuvekea?

“Kungugha launo ami iqighieno panongu chuyenani. Devil khiu panongu pishiqli chekeu hu kughapesu amiyizulo vesuve eno ami eno amichu huno pa pitiqhivenani, tipau pesu akithi akiniu ipi (Piyekusu 20:9, 10; 21:8). “Ino hitoi shike tsala lo panongu pitivekeu yevu shou nongu pikhuno nepukupe nani ipi aqokitikhiqo Mpeu no pi ani (Malaki 4:3).

Khokichile: Zuleno kungugha launo ayikusamiqo shou ami ikughi eno pitipe ayevu kughulhovenani. Kutomono puluchekeu toi ami tipauye amiyizu lono ipeghikeu kumo, Ikemu kungugha launo iqighieno ayikusamiqo pitiqhive, devil eno pa ghinimiyo kumtsu piqhivenani (Mathi 25:41). Ami khikhino axine eno axinemiyo shipuhakeno tipau pesu akithi akiniu ipi. Akithi akiniu hipau loye xuchilekulu kuha. Hino ashekha shiva. Kutomono puluchekeu toi Satan ye ami tipau tuchilelunikeu kumono pa ghi ami tipau lo ilo pitivenani. Pa ye ashekha shivenani. (Hamiloje ami pesu hell ipi ghi picheni akiphi 11 lo hipau ghili phiju eno akithi ipikeu ghili akiphi kichekutsu 10 loghi julo)

14

Kughouno ayikusamiqo piti puhave eno ami ghi inheuvenikeno tipau shelo kiutoikeu jukuvu ipeghiniepikea?

“Julo, Ino kungughaqo akithe eno ayeghi kithe lakhi lhosunani” (Isaya 65:17). “julo kungughaqo akithe eno ayeghi kithe lakhi khile amikuchomiyo no ngonikeu” (2 Piton 3:13) “Akukalaku lo iqa akeuno pi, “Julo, Ino thime kumtsu pesu akithe shiveake” (Piyekusu 21:5). “Alhou chinehki ye timi gholo ngonani, eno Pano panongu gholo ngonani, eno panonguno Pa wu timiyo shinani, Alhou no Pakutoshi panongu gholo ngonani eno panongu Lhou shinani” (Piyekusu 21:3).

Khokichile: Alhou no kugnughaqo kithe eno ayeghi kithe lakhi lhophe nani, eno ti ayeghi kithe lo Jerusalem akitheu no oking shinani. Tile axine eno axine kumla lhokusaqo kumtsu alhokuthu lo kuhavenani. “Tile panongu ye amulokiyo eno alokivino chhitoive nani, amulo ghime eno amulo kusaye kuhavenani” (Isaya 35:10) Piphekumlapu jukuvu hu khilemu vezuvekepu kumo. Alhou no oghenguno a-a lakhi kutopuani (Johan 14:1-3) Tipau lo ilo xunike ghenguno ishino kutolulo. Jisu ye okupulo khe ani. (hipau ghili akiphi kichekutsu 4 lo ghi julo)



Ampe 1,000 kishekhavenikeu lo kumlaqo

- A. Jisu no akuthuu ighikelo Pa wu kimithemiqo sasu ighinani (Zekharia 14:5).**
- B. Akimithe phughi ye Olive naghuto aqa kije shivekeu shou iq i ngonani (Zekharia 14:4, 10).**
- C. Apuh, Pa ghinimiqo eno akimithemiqo kumtsu Jisu gholo ighinani (Piyekusu 21:1-3; Mathi 25:31; Zekharia 14:5)**
- D. Ayikusami thi akemiqo xuputhuve nani, Satan kuqhovenani (Piyekusu 20:5, 7)**
- E. Satan no ayeghiqha qhoi pishiqhiluve nani (Piyekusu 20:8)**
- F. Ayikusamiqono aphughi boluve nani (Piyekusu 20:9)**
- G. Ayikusamiqo ye ami lono kutsavenani (Piyekusu 20:9)**
- H. Kungughaqo kithe eno ayeghi kithe lhopheve nani (Isaya 65:17; 2 Pitor 3:1, Piyekusu 21:1).**
- I. Alhou timiqo ye ayeghi kithe lo lhokta lokivi lo xu acheuvenani (Piyekusu 21:2-4).**



15

Ningu ye akhoto kumla hipaqa kishieno ithilunanikea?

“Kughou nonguno thime hipaqa shiipeghikeu ithulunikenno ado ye tovea, ahukikha punuvea ipi ithilo” (Mathi 24:33). “Kughou hipaqa huthuvenikeno okutsu peqhepe kungu lo jupukulo, kughengu o qhuchilelunikeu do hu kupunusheve ake” (Luk 21:28). “Pano akumla hu shikhavenani, eno amikuchono lono tipau do hu kughukhove nani, kughengu Ampeu ye ayeghi shou Pa kumla do hu kughukhovenani” (Rommi 9:28). “Kughou panonguno kulakishi kulakishi ipi akelono zuleno shikupusa panongu shou ikughivenani” (1 Thesaloniami 5:3).

Khokichile: Jisu no pikeuno kughou Pano ighinikeu michipuqo shikupu thuvnikeno axine yeghi hipau kishekhavenikeu do kupunuveakena ipi ithivelo. Akhopeu Paul no pikeughi, kughou ayeghiqha kulakishi kughutha kije shiithuvenikeno ashekha ghuloki toveakena ipi ithivelo ipi. Bible no pi akeuno Alhou no Pa kumla pekughukhovenani (Rommi 9:28) ipi ani. Tighenguno ningu ye ado nape xu anike ipikeu tsa lo lipi kevalo. Ampeu ye zuleno ighinani, ninguno huqhe mono ake dolono ighivenosa, kughengu ado tipauye khiunomu mtha, Apuh Alhou likhino ithi anike (Mathi 24:36; Apostolmi 1:7) Ningu xalunikeu ye itehino kutokithipe aghikeu avehu shi ani.



16

Jisu, Khiu okimiyekutu chekeuno oghenguno a-a lakhi Pa kukaqha pakutakeu lo kutope qhipuatsu ani. Jisu no Pakutoshino mla puakeu ajukuvu ki tipau lo noye tile ilo ngonike pulo anima?

Nono khochilenikeu:



Nono Iniju Keu Khochiletsu Ani

1. Akimithe phughi iqighikeu lono wo kungugha lono ami iqighieno ayikusamiqo pitivenikeu dolo ado khitoi lunanikea?

Khokichile: Baibel no piakeuno hipauye ado kitila likhi lunani (**Piyekusu 20:3**) Satan no timiqo pelo pa kupughu pape penike ghenguno aghunanu kutolupenikeu ye ado lunani, ikemu ado titohi ipi kihithatsukeu ye Baibel lo tsupuamo.

2. Alhou kukaqha akitheu lo timiqo ye kiutoikeu phimpi pepunanikea?

Khokichile: Baibel no piakeuno qhuchileluevekemiyo ye Jisu phimpi toikeu pepunani (**Filipiami 3:20, 21**) Jisu ye xuchilelueve thiu kuchouno ashi eno aghi phimpi xapu ithughike (**Luk 24:36-43**) Xalulevekemiyo ye aghungu shimonani. Panonguye kuchouno timi shinani. Adam ngo Eve pama phimpi tho punani.

3. Jisu no akiniu ide ighikelo puhavekemiyo ye kiu shivenaniepi Baibel no pipuanikea?

Khokichile: Iye. Panongu ye naghutoqo eno atunhekhikhiyo vilo ningu shou iluikughieno akukalakhu lo iqa akeu Bheriti loghukighide zulono ningu nhaluvetsulo kughengu Pa loghukighide tsala hu ighivea, eno khiuno Pa zulo puthugholunikea?" ipinani (**Piyekusu 6:16, 17, ajo 14, 15 loghi phijulo**) Tishiakelo amikuchomiyo ye "Julo, Hino ni Lhou ke, ninguno Pa ikiqhi khe achenike; ninguno Pa wu xachilekulo lo alokivishi nani eno amulokiyo shinani" (**Isaya 25:9**).

4. Ayikusamiyo ye amikuchomiyo no Jerusalem alou ngo akeu ithulunanikeshea?

Khokichile: Ningu ye tipau ghili mtsuqhei pimla. Ikemu Baibel no piakeuye aphughi tipauye ayina toi jupilupaqai ithulunani ipi ani (**Piyekusu 21:11, 18**) Hamino pikeuno **Leshela 37:34** eno **Luk 13:28** kiqi lo xalulevekemi eno xamlavekemiyo lakhino lakhi ju ithulukile nani ipicheni.

5. Baibel no pi akeuno Alhou no panongu nhethi lono panongu nhezu isuvetsunani ipi akeu ye kughouno shinanikea?

Khokichile: **Piyekusu 21:1-4** eno **Isaya 65:17** lono piakeuye Hipa yeghi launo axine qhoi shikimitheveke thiuno shinani. Ashekha kughathabeve kemtsa ami no axine eno axinemiyo shipuhavenani, tile Alhou timiqoye akiqi kutomo lono panongu mulo thonhei imenani. Abolomi asholokumi eno akusami apami puhavekeu ghili kumsuchilelu nani. Panonguno kimiye chekemiyo ami lono pitivekeu ithulukelo panongu mulo ghime shi anhezu pijinani putsake. Ikemu ami inheveke thiu Ampeu no panongu nhezu isuvetsunani. Tishieno Pano kungugha kithelo eno ayeghi kithe Pawu timiqo ghenguno lhophetsunani, eno panonguno tipau jupe panongu lokivi huno piphekumlapu shivenani. Tilehiye amulokusa eno amuloghime kuanani. (Akhiphi kichekutsu 4 lo ghi kungugha lo Alhou timiqo ki ghili phijulo)

6. Agholumovekemi kungumiyo eno timi ayikusamiyo piti ake lo tile Apuh eno Anu pama ye kishinanikea?

Khokichile: Tile axine no shikupusa kiumu kuhavenani eno kunguyeghiqha alokivi eno alokughuno a lakhi shivenikeuye mtsuqhei. Ikemu tilehi Alhou no kimiye chekemi axinemiyo khiunoqo ghenguno Jisu no Pa kuxu pesu tsuvekemu panonguno tipau lumono tuchilevetsu kemiyo kutsave akeu lo panongu ye amulo ghime shinaniputsa. Satan ghi ghuthu lakhi loye panongu kumtsa kungugha lo ache. Amiyizu lono panonguno kupukimye chekeu nuliqo piti akeu ithulu kelo axine no hitoi Apuh eno Anu mulo shikighimevetsu akeu kumsupe panongu mulo ghime shinani putsa. Panongu kumtsu pelo lhota kuxu lo xuche penike ghenguno mlatsu cheke. Ikemu timiqono tipau ghili vethamlave. Ampeu no Hosiya tungkupuu vechewo ishi pi, "Ephraim, Niye kishi oqhivenikea? Israel, Niye kishi oqhivenikea? kikimiye huno I mulo suxuvaa" (**Hosiya 11:8**).



7. Jisu ye kiutoikeu phimpi puchekea?

Khokichile: Pa ghi timi toi ashi eno aghi pukeu phimpi puche. Pano xuchileluveke thiu ghi Pa phimpi tipau tho xapusu Pa khopemiyo zu lo ipeghipiye (**Luk 24:36-43**). Paye ashi eno aghi pu anike ipieno panongu pelo bujupe, akha eno akhikichizu chu panongu piye.

Jisu ye ikuve

Pano panongu sasu kuputsa tave kithishi panongu sasu Bethany lo wu eno Paye kungugha lo ikuve (**Luk 24:50, 51**). Jisu sasu ikuvekemtsa kungumi lakhino akhopemiyo lau ipeghi eno pi, Jisu khiu nongu launo sasu kungugha lo ikuvekeu nonguno ithulu akeu kimihi lono Pa ye ide ighinanike (**Apostolmi 1:11**).


Jisu ye itaghi ide ighinani

Kungumi no hepho piyetsutsu akeuno Jisu ye Pa tho ashi eno aghi pusu ide ighinani. Paye kuchou phimpi xapusu ide ighinani kethono aghungu shieno ighimonani. Titoi xuchileluvekemiyo ghi Pa phimpi toi ashi eno aghi phimpi xapuno Pa toi, Pa kimihi lono xu ithughinani (**Filipiami 3:20, 21; 1 Johan 3:2;**) Pa phimpi toi, akimithemiyo phimpi ghi akithe shipusavemlakeu eno thivechemokeu pepuluvnani (**1 Korinthiami 15:51-55**).

Hilehi okukumsu eno injuakeu pitsulou



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta lajupu lo ighikulupu ani. Akiphiqo gholo lakhimu vezuvekeu shikevilo.

Akiphi kichekutsu 01: Tile nono pulubeLukepu kiuana qhiveakeshea?

Akiphi kichekutsu 02: Alhou ye Tughami Ihosukeshea?

Akiphi kichekutsu 03: Akithi laono xapheluve

Akiphi kichekutsu 04: Tsutsu yeghiqha dolo Aphughi kije

Akiphi kichekutsu 05: Alokivi kulakupu tsapi

Akiphi kichekutsu 06: Atulaphaqo shou yehpukutsu

Akiphi kichekutsu 07: Xu-lhe lo atsala lakhi puhavekeu

Akiphi kichekutsu 08: Qhoi xapheluve -Jisu Khristo ideighini keu

Akiphi kichekutsu 09: Akutsughu eno Akuka

Akiphi kichekutsu 10: Kithimi ye kuchouno thiveakeshea?

Akiphi kichekutsu 11: Amiyizu ye Tughami pichepuani keshea?

Akiphi kichekutsu 12: Alokughuno mpe 1,000

Akiphi kichekutsu 13: Alhou no ashiahji kivi kupughu shitsu

Akiphi kichekutsu 14: Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 phiqhive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “[Adobe Reader](#)” peithalo.

1) Piyekusu 20 lo ampe 1,000 huthunikeu kumlaqo amichi shitsulo (10)

Jisu akiniu ide ighinani
 Ayeghi ithanani eno apughu (hailstone) ghuqhinani
 Amikuchomi thivekemiyo xuchileputhunani
 Satan tsughape qhivenani
 Ayikusami xu aghikemiyo ghiqhive nani
 Thivechemokeu pesu amikuchomiyo tsuvenani
 Akimithe phughi hu iqighinani
 Amikuchimiyo sasu kungugha lo ikuve nani
 Aikusamiyo ye pithiveno akumo lo qhivenani
 Amikuchomiyo ye Jisu phimpi toikeu tsuvenani
 Amikuchomiyo ye khungkusu lono sasu ikuvenani
 Xaluvekemi hamiye ayeghi lo qhivenani

2) Ayeghi shou xu aghikemi kumtsuno Jisu ide ighikeu ithulunani (1)

Kuchou Kichileu

3) Amikuchomiyo ye kungugha lo aghungu phimpi toikeu phunani (1)

Kuchou Kichileu

4) Ampe 1,000 dolo kumla khupaqono kuchoukya? (2) lo julo

Axinemi kutomono amulopebideve nani
 Satan eno pa ghinimiyo ye anguka lono pesu ayeghi lo qhivenani
 Satan khathape qhive ipikeu kuchouye tile television lo ju akepu vehu kuha
 Tile ampe 1,000 dolo ayeghi lo yevuqai eno tsunikaghai nani

Satan no ayikusami thivekemiyo xuputhupe pa qomi shiluvunani
 Amikuchomiyo ye kungugha lo kughathabekeu kumla shi anani

5) Ampe 1,000 kishekhavenikeu kumla khupaqono kuchoukya? (4)

Jisu ye ghuthu apunguu ighinani
 Akimithe phughi ye Washington DC qha lo iqi ngonani
 Kungumi akivimiyo, Apuh Alhou eno aimithemiyo Jisu gholo ighinani
 Ayikusamiyo xuputhuvenani
 Jisu ye Pawu tungukupumiyo gholono ighinani
 Ayikusamiyo ye xuputhumoveni ipi Alhou no xathavenani
 Ayikusamiyo ye alhokusami ghinimiyo kutsavenani
 Alhou no kungugha kitheqo eno ayeghi kithe lhosunani
 Alhou no Satan hape kunguyeghiqha kutau lo puuvenani
 Satan no akuka kumugho ku-a akumbau (missile) pesu akimithe phughi hu fulevenani

6) Ayikichhekighi Satan tsughapuakeu ye (3)

Kimighipiyesukeu-atuqhudo kichhekighi ke
 Anguka lono pa pelo ayeghi shou ngovepe
 Pa pelo ayikumka toi akithe lakhi shiluve peniyeke
 Ayikihedo 24 dolono devil pelo hepholevepe nani
 Pa pelo Alhou timi kungugha lo akemiyo ghuju peniyeke

7) Ashekha kuhakeu qokuchhu ipikeuye khikhiuno kuchoukya? (2) lo julo

Hipauye ayeghi aqhou thonhei ilo akeuke
 Hipau kiquye aqokuchhu (abyss) ke
 Hipau pesu ayeghi zumai, kiumu
 kughuphemono abokumsa akeu kiquitsuke
 Hipau ye amiyizu jeh kutau lakhike

8) Jisu no atighiu, akiniu, akuthuu ighikeu khikhiuno kuchoukya? (3)

Atighiu ighikeuye Bethlehem lo anga lakhi shi punusu
 Atighiu ighikeu ye wovekeu tsala lono
 Akiniu ighikeu ye Martin Luther tsala lono

Akinu ighikeuye ampe 1,000 huthunikelono ighinani

Akuthuu ighinikeu ye ampe 1,000 kishekhavenike lono ighinani

Akuthuu ighinikeu ye ayeghi kithe lhopheveke thiuno ighinani

9) Ayikusamiqo kithi khikhi amiyizu lono pitiqhivekeu pesu akithi akiniu ipi (1)

Kuchou Kichileu

10) Jisu no kungugha lo l ghenguno akighiche ki kutopuatsukeu lo ilo ngonikeuno l kupughu lkimiji akhotouke

Iye Moe

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>		
Owu Email :	<input type="text"/>		
Thepiu kikihi :	<input type="text"/>		
Okungo-a :	<input type="text"/>		
Aphugui, District :	State :	Aghaqhu :	<input type="text"/>
Pin :	Apunu mpe amqo:	Gender :	<input type="text"/>

Anile shi no kusutsa nikeu tipau tsulou